

NGĀ HERE O TE NOHO MEMA (i te 1 o Oketopa 2010)

1. Māu anō e tiaki ngā taputapu ka tangohia mō te wā, ki tō kāri. I raro i tēnei karangatanga ko ngā mea katoa ka tangohia mō te wā e ētahi atu tāngata e whakamahi ana i te kāri.
2. Ka taea te nuinga o ngā taputapu te tango mō ngā rā 28. I tua atu i tērā, me utu ngā whaina hapa hei te whakahokinga mai o te taputapu.
3. E kore koe e āhei ki te tango taputapu mehemea:
 - kāore koe e whakahoki i ngā taputapu i roto i ngā rā 27 atu i te rā whakahoki;
 - he whaina hapa, he nama rānei ōu, piki ake i te \$15.30 neke atu rānei;
 - kāore koe i utu i ngā whaina i ngā nama rānei kotahi marama neke atu e hapa ana.
4. Me mātua whakamōhio mai koe ki Ngā Kete Wānanga o Ōtautahi, mehemea kua ngaro, kua tāhaetia rānei tō kāri. Ka noho haepapa tonu koe mō ngā taputapu i tangohia ai ki te kāri, taea noatia te wā whakamōhio.
5. E taea ai te tono kia Noho Mema, me mātua tuku mai e koe ngā momo tautohu e whai ake nei:
 - he taunakitanga tuakiri (he uruuru whenua, ētahi atu momo tautohutanga e rua rānei, ā, me ID whai whakaahua tētahi)
 - he taunakitanga kāinga noho (pūkete hiko, pūkete waea, pēke rānei, he tauākī kia kaua e piki ake i te 30 ngā rā te tawhito).
6. Mehemea kei raro iho koe i te 16 tau i te wā o te whakauru mai, me mātua haina tētahi matua, tētahi kaitiaki rānei i tō Tono kia Noho Mema. Ko ngā whakawhiti kōrero mō tō noho mema ka haere ki tō matua, ki tō kaitiaki rānei i raro i te ture, ā, mā tōna haina i tō tono ka whakaae hoki ia kia riro māna te haepapa mō te whakamahi tika i tō kāri, taea noatia ngā whaina me ngā nama katoa e tika ana māu e utu.
7. E kore e riro mā Ngā Kete Wānanga o Ōtautahi, e kawe te haepapa mō te kōwhiringa taputapu ka tangohia mō te wā, ki tō kāri.
8. Tērā pea ka rerekē haere ēnei Here o te Noho Mema. Ka whakaaturia ngā Here hou i te paetukutuku o te Whare Pukapuka. Ka kīia kua whakamōhiohia koe mō ēnā rerekētanga, ka whakaae hoki koe kia herea koe e ngā Here hou, i a koe e noho mema ana.

TAUĀKĪ MŌ TE MATATAPU

1. Mā te whakaoti i tētahi Tono Kia Noho Mema kei te hoatu mōhiohia whaiaro koe mōu anō ki Ngā Kete Wānanga o Ōtautahi (tētahi wāhanga o Te Kaunihera o Ōtautahi). Kei te whakaae hoki koe ka taea e Ngā Kete Wānanga o Ōtautahi ērā mōhiohia te whakamahi hei:
 - whakahaere i tō noho mema, tae atu ki te whakatika i ō pūkete, te whakamōhio i a koe mō ngā taputapu hapa, te whai i ngā whaina me ngā nama tārewa, te whakamōhio i a koe mō ngā ratonga whare pukapuka, me te whakapā atu hoki ki tō tangata whakapā nāu i whakaingoa;
 - matapaki ki ō mātua me ō kaitiaki i raro i te ture, mehemea kei raro iho ō tau i te 16, mō ngā āhuatanga katoa ka ara ake i tō noho mema o Ngā Kete Wānanga o Ōtautahi.

HAINATANGA: _____

HAINATANGA MATUA/KAITIAKI I RARO I TE TURE: _____
(Mehemea kei raro iho ngā tau o te kaitono i te 16)

“whakaaro” WHARE PUKAPUKA

Kāore i tua atu i te kāri whare pukapuka hei takoha māu ki tō tamaiti
christchurchcitylibraries.com
Conditions of Membership (as at 1 October 2010)

2. Ka āhei ngā mōhiohia te hoatu ki ngā kaimahi Kaunihera e tika ana me/ki tētahi whakahaere rapu nama/rānei ki te whakatau Ngā Kete Wānanga o Ōtautahi kia whāia he huarahi rapu moni i a koe mō ngā whaina me ngā nama tārewa.
3. Kei te whakaae koe ka taea te whakapā atu ki a koe mā te mēra, mā te ī-mēra, mā te waea rānei (tae atu ki ngā karere waea aunoa me ngā karere kuputuhi) ā, e kore e riro mā Ngā Kete Wānanga o Ōtautahi e kawe te haepapa mō te hunga tuatoru ka whai wāhi ki ngā karere mēra, ki ngā karere ī-mēra, ki ngā karere waea rānei ka tukua atu ki a koe.
4. Ko ngā mōhiohia whaiaro mōu ka puritia e Ngā Kete Wānanga o Ōtautahi. Ka āhei koe te uru kia kite i ēnei mōhiohia, te tono hoki kia hurihia.
5. I raro i te ture, kāore koe e herea kia tāpae mōhiohia whaiaro. Ahakoa rā, mehemea kāore koe e tāpae mai i ngā mōhiohia e tonoa nei i te Tono kia Noho Mema, e kore pea Ngā Kete Wānanga o Ōtautahi e āhei te whakaoti i tō tono.

HE KĪ TAURANGI NĀ TE MEMA

Māku, mā te kaitono (*me whakauru tō ingoa katoa*)

e kī taurangi:

- He pono ngā mōhiohia e horaina atu nei i te Tono kia Noho Mema;
- Kua pānuitia, kua mārama, kua whakaae hoki au ki ngā Here o Te Noho Mema;
- Kua pānuitia kua mārama hoki ki te Tauākī Matatapu;
- Kua whakaae atu au kia whakamahi Ngā Kete Wānanga o Ōtautahi i ngā mōhiohia whaiaro i roto i te Tono kia Noho Mema mō ngā take e tākina atu nei i te Tauākī Matatapu;
- Kua whakaae te Tangata Whakapā atu i whakaingoa i te Tono kia Noho Mema māku e hoatu ō rātou taipitopito ki Ngā Kete Wānanga o Ōtautahi, kua whakaae hoki mā Ngā Whare Pukapuka o Ōtautahi ēnei taipitopito e whakamahi mō ngā take kei roto i te Tauākī Matatapu;
- Kua whakaae te matua te kaitiaki rānei i raro i te ture nāna i haina te Tono kia Noho Mema māku e hoatu ō rātou taipitopito ki Ngā Kete Wānanga o Ōtautahi, kua whakaae hoki mā Ngā Kete Wānanga o Ōtautahi ēnei taipitopito e whakamahi mō ngā take kei roto i te Tauākī Matatapu;

